

四庫全書


經部

欽定四庫全書


禮書卷十三

宋 陳祥道 撰

禮書圖
狐白裘




孤青裘
豹褰




黄衣狐裘

金匱要略卷十三


卷十三




狸裘青



虎裘黃




狼裘黃



熊裘 緇色



羅裘



狐白裘

狐青裘

豹裘

黃衣狐裘

詩曰羔裘逍遙狐裘以朝又曰狐裘蒙茸匪車不東又
曰取彼狐狸為公子裘又曰彼都人士狐裘黃黃語曰
狐貉之厚以居又曰黃衣狐裘蓋狐善疑貉善睡疑斯
戒睡斯安燕息者之事也故燕居與蜡服之然則玉藻
所謂君衣狐白裘錦衣以裼之君子狐青裘豹褰玄綃

衣以裼之燕服也狐裘黃衣以裼之蜡與燕服也玉藻

曰天子卒食玄端而居諸侯夕深衣祭牢肉王制言養

老之禮虞氏深衣夏后氏燕衣商人縞衣周人玄衣於

夏言燕衣則深縞與玄皆燕衣也

鄭氏以此為燕羣臣之服然周人燕禮天

子皮弁諸侯緇衣不以玄衣

蓋天子齊則玄端而冕燕則玄端而冠

卒食玄端則夕不必玄端也諸侯夕深衣則非夕不必

深衣也故周官小臣掌正王之燕服位而不言所服則

王之燕服豈特玄端而已哉此所以有狐白裘錦衣也

終南之詩言錦衣狐裘繼之以散衣繡裳蓋始言燕服而繼以祭服也鄭康成以狐裘為行禮之服謂狐白之上衣皮弁歟非詩論語之意也君子狐青裘豹褰玄綃衣以謁之蓋大夫士之燕服也何則狐白所以象德之成狐青所以象仁之發故狐白錦衣為人君之服狐青而下為君子之服言君子之服則大夫士同之也夫天下無粹白之狐而有粹白之裘則狐白裘天下之尤難得者也觀紂以狐白兔西伯田子方以狐白禮子思田

文以狐白脫秦患則狐白之貴可知矣士不衣狐白裘
不特以其德之未成也蓋亦不敢以賤服貴歟古者所
貴不過狐白裘而已後世有黑貂青鳳鸛雉頭鶴氅
之侈此不可與言禮也

史記李兌遺蘇秦黑貂裘王子
周使王以青鳳毛為二裘司馬

相如服鸛鷖晉武帝焚
雉頭裘王恭被鸛鷖裘

狸裘

青

詩曰取彼狐狸為公子裘左傳曰哲憤而狸製

定九年

夫

公子無豫於事而狸裘東郭即戎而狸製則狸裘非禮

服之裘也傳又曰臧之狐敗我於狐駘

襄四年

則春秋之

時戎服亦以狐裘也

虎裘

狼裘

人之手足右強於左獸之勇摯虎過於狼右虎裘左狼裘則武士之衛君手足之衛身也蓋君之所以制服人者不特恃夫道德之威而已故士謂之虎士門謂之虎門旗有熊虎之文車有虎臂之飾則左右虎狼之裘宜

矣周官虎賁氏掌先後王而趨以卒伍旅賁氏掌執戈盾夾王車而趨左右皆八人然則君之左右蓋旅賁之類也爾雅狼牡獾牝其子獾舍人曰狼牡名獾牝名說文曰狼似犬銳頭白頰高前廣後陸機曰善為小兒啼禮記有狼臙膏

熊裘

羆裘

周禮六氏掌攻猛獸各以其物火之以時獻其珍異皮

革鄭氏曰蟄獸熊羆之屬冬藏者爾雅曰羆如熊黃白
文詩曰舟人之子熊羆是裘則熊羆亦裘之美者也

禮書卷十三

欽定四庫全書


禮書卷十四

宋 陳祥道 撰

禮書圖


天子素帶

素為帶朱裏竟帶之身辟積馬飾以朱綠帶之結處有組又以組貫其紐而約之垂長三尺與帶廣四寸約組組廣三寸其飾朱上綠下




諸侯素帶

素帶不以朱裏亦朱綠
飾終辟廣長與天子同




大夫素帶

素帶不終辟飾以玄華大夫以上
素帶士緌帶弟子緌帶皆帛為之




士練帶


練帶辟積其末三寸其廣不至四寸紳組長三尺鄭氏謂士以下皆禪而率然雜記於諸侯亦言率帶則率不特施於禪也



草帶



居士錦帶



弟子縞帶



天子素帶

素為帶朱裏竟帶之身辟積馬飾以朱綠帶之結處有組又以組貫其紐而約

之垂長三尺與帶廣四寸約組組廣三寸其飾朱上綠下

諸侯素帶

素帶不以朱裏亦朱綠飾終辟廣長與天子同

大夫素帶

素帶不終辟飾以玄華大夫以上素帶士練帶弟子編帶皆帛為之

士練帶

練帶辟積其朱三寸其廣不至四寸紳組長三尺鄭氏謂士以下皆禪而率然雜記

於諸侯亦言率帶則率不特施於禪也

大戴禮曰黃帝黼黻衣大帶詩曰其帶伊絲又曰垂帶而厲晉語曰內子為大帶荀子曰逢衣淺帶

淺帶博帶

雋不

疑傳曰褒衣博帶釋名曰帶帶也內則子事父母韠紳
搢笏婦事舅姑并總衣紳玉藻曰天子素帶朱裏終辟
而素帶終辟大夫素帶辟垂士練帶率下辟居士錦帶
弟子緇帶并紐約用組三寸長齊于帶紳長制士三尺
有司二尺有五寸子游曰三分帶下紳居二焉紳韠結
三齊大夫大帶四寸雜帶君朱綠大夫玄華士緇辟二
寸再繚四寸凡帶有率無箴功雜記曰公襲卷衣一朱
絲帶申加大帶於上

朱綠帶者襲衣之帶飾之雜以朱
綠異於生也此帶亦以素為之申

重也重於革帶也革帶以佩數必言重
加大帶者明雖有變必備此二帶也
又曰率帶諸侯

大夫皆五采

此襲尸之帶

左傳曰鞶厲游纓昭其度也

左桓二年

深衣曰帶上毋厭髀下毋厭脅當無骨者左傳曰樂桓

子請帶於季武子武子召使者裂裳帛與之曰帶其褊

矣

昭元年

古者革帶大帶皆謂之鞶內則所謂男鞶革帶也春秋
傳所謂鞶厲大帶也易言鞶帶揚子言鞶帨以至許慎
服虔杜預之徒皆以鞶為帶特鄭氏以男鞶革為盛帨

之囊誤也詩言垂帶而厲毛萇杜預之徒皆以厲為帶之垂者特鄭氏以而厲為如裂亦誤也辟猶冠裳之辟積也率縫合之也天子諸侯大帶終辟則竟帶之身辟之大夫辟其垂士辟其下而已雜飾也飾帶君朱綠大夫玄華士緇故儀禮士冠主人朝服緇帶冠者爵弁皮弁緇布冠皆緇帶則士帶練而飾以緇也士辟下二寸則所辟其下端二寸也再繚四寸則結處再繚屈之四寸也天子至士帶皆合帛為之或以素或以練或終辟

或辟垂或辟下其飾或朱綠或玄華蓋素得於自然練

成於人功終辟則所積者備辟垂辟下則所積者少朱

者正陽之色綠者少陽之雜

禮器冕朱綠瑤雜記公襲朱綠帶聘禮問諸侯朱綠

必皆取正色

玄與緇者陰之體華者文之成天子體陽而兼

乎下故朱裏而裨以朱綠諸侯雖體陽而不兼乎上故

飾以朱綠而不朱裏大夫體陰而有文故飾以玄華士

則體陰而已故飾以緇然於大夫言帶廣四寸則其上

可知而士不必四寸也於士言紳三尺則其上可知而

有司止於二尺五寸也凡帶有率無箴功則帶綷而已
無刺繡之功也以至并紐約組三寸再繚四寸紳鞶結
三齊皆天子至士所同也夫所束長於所飾則失之太
拘所飾長於所束則失之太文紳鞶結三齊

叔向曰衣有襜帶有

結

然後為稱則有司之約鞶益亦二尺五寸歟古者於

物言華則五色備矣

書云華蟲華玉

於文稱凡則衆禮該矣鄭

氏以華為黃以凡帶為有司之帶以率為士與有司之
帶以辟為裨以二寸為士帶廣以至大夫以上用合帛

士以下禪而不合皆非經據之論也隋志曰乘輿大帶素帶朱裏紕其外上以朱下以綠王公侯伯子男素帶不朱裏皆紕其外上以朱下以綠正三品已上帶紕其垂外以玄內以黃紐約皆用青組唐開元禮儀羅白大帶三品已上青帶不朱裏皆紕其外上以朱下以綠五品已下紕其垂外以玄內以黃紐約皆用青組六品已下練帶紕其垂內外以緇約用青組其制多襲鄭氏之說

革帶

內則曰男鞶革莊子曰帶死牛之脅玉藻曰革帶博二寸士喪禮鞶帶搢笏鄭氏曰鞶帶韎鞶緇帶不言韎緇者欲見鞶自有帶鞶帶用革笏搢於帶之右旁然則革帶其博二寸其用以繫佩韎然後加以大帶而佩繫於革帶笏搢於二帶之間矣晉語寺人勃鞞曰乾時之役申孫之矢集於桓鉤鉤近於袪而無怨言則革帶有鉤以拘之後世謂之鉤釐

丑列

阮諶云釐螳螂鉤以相拘帶

謂之鉤鑠唐以玉為鉤鑠與古異矣然革帶用於吉而已荀卿曰搢紳而無鉤帶是也古者裼衣象裘色韠履象裳色而革帶與韠其用相因則革帶宜亦與韠同色歟

居士錦帶

弟子縞帶

書大傳曰古之帝王必有命民能敬長憐孤取舍好讓舉事力者命於其君然後得乘飾車駢馬衣文錦民之

未命者不得衣不得乘乘者有罰鄭氏釋之曰居士錦帶然則所謂居士即命民也居士錦帶以其有備成之文也弟子縞帶以其有受道之質也縞薄繒也與素帶不同吳季札以縞帶遺子產蓋吳地之所宜者縞也荀卿曰古之處士德盛者也知命者也今之處士無能而云能者也離蹤而跂訾者也然則處士即居士也

古之所謂處士有守節而不仕者有成材而未仕者鄉飲酒禮主人就先生而謀賓介鄭氏謂賓介處士也鄉


射禮徵唯所欲以告於先生君子可也鄭氏謂君子處士也此蓋處士之未仕者歟

禮書卷十四


欽定四庫全書

禮書卷十五

宋 陳祥道 撰




童子錦紳



擊鑑


卷十五



率帶




布帶



王冕服赤烏


黑絢
纁純



皮弁服白鵠


青絢
纁純

卷十五




冠弁服黑烏

赤纁
纁純




后褱衣玄鳥

黃紬
纁純




榆狄青鳥
繖白
純弱



關狄赤烏

總黑絢
純絢




鞠衣黃屨
纁白纁




展衣白屨

黑絢
纁純



祿衣黑屨
青純



深衣帶

深衣曰帶下毋厭髀上毋厭脅當無骨者玉藻曰紳三尺三分帶下紳居二焉然則人長八尺紳三尺而居帶

下之二則大帶以高為貴而帶下四尺五寸矣

考工記車人之

事一柯有半謂之磬折鄭氏曰大帶以下四尺五寸磬折立則上倨故玉藻曰三分帶下紳居二焉深衣

之帶當無骨者以適便為貴則其下無四尺五寸儀禮士朝祭皆緇帶則天子諸侯大夫朝祭無異帶矣深衣之帶其飾蓋若大帶歟

童子錦紳

玉藻曰童子錦紳并紐肆束及帶勤者有事則收之走則擁之然則童子之帶非必全錦也錦紳而已錦紳非以其有備成之文也親在致飾而已肆伸之也束組紐也紳束及帶所以為容有事則收之走則擁之所以便

事

鄭氏以肆為肆

鞶鑑

內則曰婦事舅姑衣紳又曰女鞶絲左傳桓二年王予

鄭伯以后之鞶鑑定六年衛公叔文子曰定之鞶鑑杜預曰鞶帶以鏡為飾今西方羌胡猶有之然則漢孝惠時郎侍中皆貝帶其飾蓋類婦人歟

率帶

雜記率帶諸侯大夫皆五采士二采鄭氏曰此謂襲尸之大帶襲事成於帶變之所以異於生

布帶

雜記曰大夫卜宅與葬日有司麻衣布衰布帶因喪屨

緇布冠鄭氏曰有司卜人也麻衣白布深衣而著衰馬
及布帶緇布冠此服非純吉亦非純凶也蓋非純吉故
布衰因喪屨布帶非純凶故深衣緇布冠斬衰腰經象
大帶絞帶象革帶公士大夫之衆臣為其君斬衰經布
帶齊衰衰以下皆經布帶以衆臣厭於天子諸侯齊衰
以下輕於斬衰故象革帶者布而已

王冕服赤舄

黑絢
總純

皮弁服白舄

青絢
總純

冠弁服黑舄

總赤絢

后褱衣玄舄

總黃絢

揄狄青舄

總白絢

闕狄赤舄

總黑絢

鞠衣黃履

總白絢

展衣白履

總黑絢

祿衣黑履

總青絢

周禮屨人掌王及后之服屨為赤舄黑舄赤總黃總青

句素屨葛屨辨外內命夫命婦之命屨功屨散屨凡四
時之祭祀以宜服之士冠禮屨夏用葛玄端黑屨青絢
纁純純博寸素積白屨以魁拊之緇絢纁純純博寸爵
弁纁屨黑絢纁純純博寸冬皮屨可也不屨總屨士喪

禮夏葛屨冬皮屨皆緇絢纁純組綦結于踵

綦屨係也所以拘止

也詩云玄衮赤舄又曰赤芾金舄又曰赤舄几几檀弓

曰有子絲屨春秋傳曰楚子豹舄莊子曰屨方屨者知

地形漢書曰孝文革舄

東方朔傳

鄭氏釋周禮謂複下曰舄

禪下曰屨凡屨舄各象其裳之色舄有三等赤舄為上
冕服之舄下有白舄黑舄后惟祭服有舄禕衣之舄下
有青舄赤舄鞠衣以下皆屨耳絢纁純者同色今云赤
纁黃纁青絢雜玄言之明舄屨衆多反覆以見之凡舄
之飾如纁之次赤纁者王黑舄之飾黃纁者王后玄舄
之飾青絢者王白舄之飾言纁必有絢純言絢亦有纁
純三者相將王及后之赤舄皆黑飾后之青舄皆白飾
凡屨之飾如纁次也黃屨白飾白屨黑飾黑屨青飾

古者衣象裘色韞象裳色而士冠禮三屨皆象其裳之色則王及后之舄屨各象其裳之色可知也玄黃青白赤黑對方者為績次青赤赤白白黑黑青比方者為繡次而冠禮黑屨青紃純白屨緇紃純皆比方之色特爵弁纁屨黑紃純紃拘也以為行戒狀如刀衣鼻在屨頭總縫中糾也純即緣也蓋尊祭服之屨故飾從對方之色爵弁韍不曰韞而曰韍韞衣不以布而以純蓋皆尊祭服之故也則凡舄之飾如績次屨之飾如繡次可知也紃青緇黑而總純如之則總從紃色可知也由是推

之王之吉服九而烏三赤烏配冕服而黑絢纁純白烏
配皮弁服而青絢纁純黑烏配冠弁服而赤絢纁純
后之吉服六而烏屨各三玄烏配褱衣而黃絢纁純青
烏配揄狄而白絢纁純赤烏配闕狄而黑絢纁純黃屨
配鞠衣而白絢纁純白屨配展衣而黑絢纁純黑屨配
祿衣而青絢纁純司服言烏止於赤黑言纁止於赤黃
言句止於青有素屨而無飾屨有葛屨而無皮屨鄭氏
謂難玄反覆以見之理固然也觀弁師於王言冕之表

裏延紐而不及玉瑱言縹而不言旂於諸侯言玉瑱而
不及冕之表裏延紐言縹旂而不及玉數言縹旂皆就
而不及采數


禮書卷十五

欽定四庫全書

禮書卷十六

宋 陳祥道 撰

禮書圖
總



絢



綦



韞




童子服

緇布衣錦緣錦
紳并紐錦束髮



童子履
白履
無絢



纁

士虞禮曰足有緣之爵謂之纁爵則纁緣也鄭司農曰赤纁黃纁以赤黃之絲為下緣鄭康成曰纁縫中糾正義曰纁者互底相接之縫綴條於其中

約

屨人作句士冠士喪禮作約說文曰纁布縷也纁繩約也鄭釋屨人曰約謂之拘狀如刀衣鼻著屨舄之頭以為行戒釋士喪禮曰綦結于跗連約者約在屨頭以餘

組連之止足折也賈公彥曰約謂屨頭以條為臯或謂用繒一寸屈之為約約所以受繫穿貫者也蓋約以絲為之所以自拘戒猶幅所以自福束也童子不約未能戒也喪屨無約去飾也

鄭氏曰小功以下吉屨無約

人臣去國鞞屨

不約以喪禮處之也

純

儀禮曰純博寸鄭康成曰純緣也正義曰純以為口緣

綦

儀禮組綦繫于踵又曰綦結于跗連約內則曰屨著綦
莊周曰正縻繫屨鄭氏曰綦屨繫也所以約止屨也綦
讀如馬絆綦之綦蓋綦屬于跟後以兩端嚮前而結之
特死者連約止足折也

鞮屨

鞮屨以革為之周禮有鞮屨氏曲禮曰鞮屨素箴鄭氏
曰鞮屨無約之非也

用屨脫屨之節

儀禮士相見禮若君賜之爵升席祭卒爵退坐取屨隱

辟而后屨鄉飲酒禮司正請坐于賓賓主人介衆賓皆

降說屨揖讓如初升坐

說屨主人先左賓先右乃羞鄉射大射儀並倣此

燕禮

賓及卿大夫皆說屨升就席

正義曰直云賓及卿大夫說屨不云君降說屨則君

說在堂上席側是以記云排闥說屨於戶內者一人而已

士虞禮曰尸坐不說屨

侍神

不敢燕情也

曲禮曰戶外有二屨言聞則入言不聞則不入

母踐屨侍坐於長者屨不上於堂解屨不敢當階就屨

跪而舉之屏於側鄉長者而屨跪而遷屨俯而納屨內

則曰屨著綦

綦屨繫也

玉藻曰禮已三爵油油以退退則坐

取屨隱辟而後屨坐左納右坐右納左又曰在官不俟

屨少儀曰排闥說屨於戶內者一人而已矣有尊長在

則否凡祭於室中堂上無跣燕則有之

祭不跣主敬也燕則有跣為歡

禮凡祭于室中堂上無跣燕則有之故特牲少牢饋食

自主人以至凡執事之人自迎尸以至祭末旅酬無筭

爵與夫尸饔餼食之節皆不說屨而尸坐亦不說屨以

其侍神不敢燕惰也若夫登坐於燕飲侍坐於長者無

不說屨以其盡歡致親不敢不跣也故在堂則屨不上
於堂在室則屨不入於戶排闥說屨於戶內者一人而
已有尊長在則否然則君屨不下於堂不出於室矣解
屨必屏於側取屨必隱辟納屨必鄉長者遷之必跪納
之必俯說之必主人先左賓先右納之必坐左納右坐
右納左則屨之說納皆有儀矣昔褚聲子韞而登席其
君執手而怒之此知說屨而不知跣也後世人臣說屨
然後登堂此知致敬而不知非坐不說屨也

漢魏以後
朝祭皆跣

韞惟蕭何劬履上殿魏武亦不解履上殿宋志南郊皇帝至南階脫舄升壇入廟脫舄升殿朝士詣三公尚書丞郎詣令僕射尚書並門外下車履梁天監中尚書參議清廟崇嚴既絕常禮凡有履行者應皆跣韞詔可隋志諸非侍臣皆脫履升殿臺官詣三公至黃閣下履過閣還着履唐志元正冬至受朝賀上公一人詣西階席脫舄置於席升開寶通禮太廟晨裸饋食并祔袷皇帝至東階下解劬脫舄

韞

左傳曰韞而登席則屨有韞矣史曰張釋之為王生結韞傳曰文王左右無結韞之士則韞有繫矣梁天監間尚書參議按禮跣韞事由燕坐今極恭之所莫不皆跣

清廟崇嚴既絕常禮凡有禮行者應皆跣韞蓋方是時有不跣韞者故議者及之

童子服

緇布衣錦緣錦紳并紐錦束髮

童子屨

白屨無約

士冠禮將冠者采衣紒曲禮父母存冠衣不純素童子不衣裘裳內則十年學書計不帛襦袴玉藻童子緇布衣錦緣錦紳并紐錦束髮皆朱錦也肆束及帶勤者有事則收之走則擁之童子不裘不帛不屨約無總服聽

事不麻見先生從人而入然則童子緇布衣錦緣此冠
禮所謂采衣也不裘為其消陰氣也不衣裳為其未預
事也不屨約未拘之以行戒也無總服聽事不麻經未
責之以盡恩也問喪曰童子不總惟當室總總者其免
也當室則免而杖矣則不總不麻不當室者之禮也既
夕禮朔月童子執帚從徹者而入卒奠從執燭者而東
入則燭先而徹者後出則徹者先而執燭
者後童子常在成人之後故出入不同少儀曰適有

喪者曰比童子曰聽事公卿之喪曰聽役於司徒則聽

與立主人之比者皆適有喪者之事也夫童者未有知
未有與也先王制禮則寬之而不嚴略之而不詳故名
而不字紒而不冠見先生則從人而入遭先生於道則
拱手而立擊則委而不授坐則隅而不正喪則不哀不
踊不杖不菲不廬豈特無總服聽事不麻而已哉雜記
不哀不踊不杖不廬凡皆以為不可以預成人之禮也彼闕黨
之童見譏於論語仍叔之子取譏於春秋蓋不知此

禮書卷十六

欽定四庫全書

經部
禮書卷十七至
二十四

詳校官尚書臣德保

給事中臣溫常綬覆勘

總校官檢討臣何思鈞

校對官待詔臣胡士震

謄錄監生臣蔣肇源

欽定四庫全書

禮書卷十七

宋


陳祥道
撰

禮書圖

后禕衣

禕衣后祭先王之服也上公如

王之服則上公之夫人如后之服禮記言夫人副禕是也魯非上公亦尊其服者以周公之後故也其色玄



揄狄

揄狄后祭先公之服也王藻曰夫人揄狄

雜記曰復夫人稅衣揄狄蓋


三夫人三公之妻及侯伯之

夫人皆揄狄也王姬嫁於諸


侯車服下王后一等亦揄狄

特雉數與三公之妻侯伯之

之夫人異耳其色青




闕狄 后祭羣小祀之服
玉藻曰君命屈狄
喪大記曰復夫人以屈狄
皆子男之夫人也其色赤



鞠衣

月令春天子乃薦鞠衣于先帝蓋薦

之於祀告將服之以蠶鄭氏曰先帝大皞之屬是也孔頴達曰薦鞠衣者薦於神座以求福祥也司服辨外內命婦之服鞠衣展衣祿衣玉藻曰再命鞠衣鄭氏曰內命婦之服鞠衣九嬪也展衣世婦也祿衣女御也外命婦其夫孤也則服鞠其夫卿大夫也則服展衣其夫士也則服祿衣其色黃無堆餘同祿衣制



展衣


詩曰其之展也鄭氏曰后見王及賓

客服之然則內外命婦之

鞠衣展衣祿衣則其助祭


之服與其色白無雜餘同

禕衣制




豫衣

纁袖素裏色紫無
雖餘同祥衣制



士祿衣

制 赤袖素裏色紫
無班餘同禕衣



后禕衣

禕衣后祭先王之服也上公如王之服則上公之夫人如后之服禮記言夫人副禕

是也魯非上公亦尊其服者以周公之後故也其色玄

揄狄

揄狄后祭先公之服也玉藻曰夫人揄狄雜記曰復夫人稅衣揄狄蓋三夫人三公之妻

及侯伯之夫人皆揄狄也王姬嫁於諸侯車服下王后一等亦揄狄特雉數與三公之妻

侯伯之夫人異耳其色青

闕狄

后祭羣小祀之服玉藻曰君命屈狄喪大記曰復夫人以屈狄皆子男之夫人也其色赤

鞠衣

月令春天子乃薦鞠衣于先帝蓋薦之於祀告將服之以蠶鄭氏曰太皞之屬是也孔穎達曰薦鞠衣者薦於神座以求福祥也司服辨外內命婦之服鞠衣展衣祿衣玉藻曰再

命鞠衣鄭氏曰內命婦之服鞠衣九嬪也展衣世婦也祿衣女御也外命婦其夫孤也則服

鞠其夫卿大夫也則服展衣其夫士也則服祿衣其色黃無雉餘同禕衣制

展衣

詩曰其之展也鄭氏曰后見王及賓客服之然則內外命婦之鞠衣展衣祿衣則其助祭

之服與其色白無雉餘同禕衣制

周禮內小臣掌王后之命正其服位內司服掌王后之

六服禕衣揄狄闕狄鞠衣展衣祿衣素沙

鄭司農曰禕衣畫衣也祭

統曰君卷冕立于阼夫人副禕立于東房揄狄闕狄畫羽飾展衣白衣也喪大記曰復者朝服君以卷夫人以屈狄世婦以檀衣屈者音聲與闕相似檀與展相似皆婦人之服鞠衣黃衣也素沙赤衣也玄謂狄當為翟翟

維名伊雉而南素質五色皆備成章曰翬江淮而南青
質五色皆備成章曰搖王后之服刻繒為之形而彩畫
之綴於衣以為文章褱衣畫翬者揄翟畫搖者闕翟刻
而不畫此三者皆祭服從王祭先王則服褱衣祭先公
則服揄翟祭羣小祀則服闕翟今世有圭衣者蓋三翟
之遺俗鞫衣黃桑服也色如鞫塵象桑葉始生月令三
月薦鞫衣于先帝告桑事展衣以禮見王及賓客之服
字當為禮禮之言亶亶誠也詩國風曰玼兮玼兮其之
翟也下云胡然而天也胡然而帝也言其德當神明又
曰玼兮玼兮其之展也下云展如之人兮邦之媛也言
其行配君子二者之義與禮合矣雜記曰夫人復稅衣
揄狄又喪大記曰士妻以緣衣言緣者甚衆字或作稅
此緣衣者實作緣衣也緣衣御于王之服亦以燕居男
子之緣衣黑則是亦黑也六服備於此矣褱揄狄展聲
相近緣字之誤也以下推次其色則闕狄赤揄狄青褱
衣玄婦人尚專一德無所兼連衣裳不異其色素沙者

今之白縛也六服皆袍制以白縛為裏使之張顯今世有沙蔽者名出於此辨外內命婦之

服鞠衣展衣緣衣素沙

內命婦之服鞠衣九嬪也展衣世婦也緣衣女御也外命婦者

其夫孤也則服鞠衣其夫卿大夫也則服展衣其夫士也則服緣衣三夫人及公之妻其闕狄以下乎侯伯之夫人揄狄子男之夫人亦闕狄惟二王後祿衣玉藻曰王后祿衣夫人揄狄君

命屈狄再命祿衣

祿當為鞠

一命禮衣士緣衣明堂位曰夫

人副祿立于房中祭義曰夫人副祿立于東房詩曰副

笄六珈又曰其之翟也其之展也雜記曰復諸侯以褒

衣冕服爵弁服夫人稅衣揄狄稅素沙內子以鞠衣

褻衣素沙下大夫以禮衣其餘如士喪大記曰復君以
卷夫人以屈狄大夫以玄纁世婦以禮衣士以爵弁士
妻以稅衣

后

褱衣
揄翟
闕翟
鞠衣
展衣

祿衣

揄翟

闕翟

三夫人及

鞠衣

三公之妻

展衣

侯伯之夫人

祿衣

闕翟

子男之

鞠衣

夫人

展衣

祿衣

九嬪公之大鞠衣

夫侯伯子男展衣

之卿之妻祿衣

公之卿大夫

展衣

侯伯子男

祿衣

之大夫之妻

女御

公侯伯子男

祿衣

之士之妻

九者陽之窮故王之吉服九六者陰之中故后之吉服

六王之服九而祭服六后之服六而祭服三以婦人不

預天地山川社稷之祭故也

內宰大祭祀裸獻則贊而天地無裸內宗外宗掌宗

廟之祭祀佐王后而不及外神是不與天地山川社稷之祭也

王之服衣裳之色異后

之服連衣裳而其色同以婦人之德本末純一故也

鄭氏

曰婦人連衣裳不異其色素紗以為裏觀喪服言女子髮衰而不言裳昏禮言女次純衣而不及裳則婦人連

衣裳而同色可知

王之服禪而無裏后之服裏而不禪以陽成

於奇陰成於偶故也爾雅曰伊雒而南素質五色皆備

成章曰翬江淮而南青質五色皆備成章曰搖素質義也青質仁也五色皆備成章禮也有仁義以為質有禮以為文后之德如此而已然地道尚義故禕衣為上揄狄次之言禕衣則知揄之為翟闕狄周禮謂之闕禮記謂之屈則其制屈於揄禕而已三翟蓋皆畫之於衣如王冕服鄭賈之徒謂祿衣黑而象水水生於金故展衣白金生於土故鞠衣黃土生於火故闕狄赤火生於木故揄狄青五色之上則玄而已故禕衣玄祭先王服禕衣

祭先公服揄狄祭羣小祀服闕狄蠶則服鞠衣以禮見
王及賓客服展衣燕居及御于王則服緣衣崔靈恩謂
王后三翟數皆十二王者之後諸侯夫人三公而下夫
人雉數如命數於理或然詩曰其之翟也而繼之以胡
然而天胡然而帝則德當神明可知矣曰其之展也而
繼之以展如之人邦之媛也則行配君子可知矣然謂
二翟刻繒畫之綴於衣闕翟刻之而不畫其說無據夫
黃者陰之盛色蠶而服之以其帥外內命婦而蠶使天

下之嬪婦取中焉后事之盛也白者陰之純色見王及
賓客服之以其見王及賓客無事乎飾一於誠焉后禮
之懿也黑者陰之正色纁者陰之上達緣則循緣之也
燕居及御于王服之以其體貴至正以上達為循緣而
已后行之盛也玉藻所謂夫人揄翟君命屈狄再命鞠
衣士祿衣者周官司服辨外內命婦之服鞠衣展衣祿
衣鄭氏以為內命婦之服鞠衣九嬪也展衣世婦也緣
衣女御也外命婦者其夫孤也則鞠衣卿大夫也則展

衣士也則緣衣三夫人及公之妻其闕狄以下弁侯伯
之夫人揄狄子男之夫人亦闕狄惟二王後褱衣然記
言士緣衣則明婦命眡夫也言君命則明再命一命非
女君也

坊記曰大夫不稱君則其妻不稱女君可知

蓋子男之夫人屈狄侯

伯之夫人揄狄公之夫人褱衣公之夫人褱衣記稱夫
人副褱是也再命鞠衣則上至於四命可知也鄭氏謂
侯伯之夫人揄狄子男之夫人屈狄孤鞠衣卿大夫展
衣士褱衣而改褱為鞠其說是也謂三夫人及公闕狄

誤矣王制言三公一命衮則三公在朝鷩冕其妻揄狄可知也玉藻言夫人揄狄則三夫人揄狄可知也公之夫人褱衣而明堂位言魯夫人副褱者魯侯得用衮冕則夫人副褱可知也少牢大夫之妻衣侈袂則其上至后夫人之袂皆侈特士妻褱衣之袂不侈

褱衣

續衽素裏色紫無
縫餘同褱衣制

士褱衣

赤衽素裏色紫
無縫餘同褱衣

爾雅曰赤褱謂之褱內司服言褱衣玉藻言褱衣士喪

禮襲服亦言祿衣雜記喪大記之復服言稅衣則緣祿
稅同實而異名也鄭氏釋周禮曰祿衣御于王之服亦
以燕居男子祿衣黑是亦黑也釋士喪禮曰黑衣裳亦
緣謂之緣祿之言緣也所以表袍也考之士冠陳三服
玄端皮弁服爵弁服有玄端無祿衣士喪陳三服爵弁
服皮弁服祿衣有祿衣無玄端則祿衣所以當玄端也
然玄端之裳三祿衣連衣裳玄端無緣祿衣有緣此其
名所以異也子羔之襲繭衣裳與稅衣纁衽曾子譏之

曰不襲婦服

鄭氏曰稅衣若玄端而連衣裳者也大夫而以纁為之緣非也

蓋丈夫祿

衣緣以赤婦人祿衣緣以纁古文祿為緣鄭氏亦曰祿

之言緣而引爾雅赤緣之文以釋士之祿衣則祿衣未

嘗無緣也特赤與纁正間之色異耳賈公彥曰爾雅釋

婦人祿衣鄭氏以士之祿衣雖不緣而其名同故引而

證之此臆論也士昏禮女次純衣纁衽喪大記曰婦人

復不以衽鄭氏曰凡婦人不常施衽之衣盛昏禮為此

服耳復衣不以衽明非常也然純衣祿衣也士妻助祭

乃得服之則服純衣猶士之爵弁服也復衣不以衽則
明凡祿衣皆有衽也孰謂衽特為昏禮施哉

禮書卷十七


欽定四庫全書

禮書卷十八


宋 陳祥道 撰




禮書圖
宵衣
以染之
黑




袷衣
黑縵
縵




景衣白



褰衣白



象掃



宵衣

染之以黑

士昏禮女次純衣纁衽立于房中南面姆纁笄宵衣在其右特牲禮主婦纁笄宵衣立于房中少牢禮主婦被錫衣侈袂主婦贊者一人亦被錫衣侈袂鄭氏釋昏禮曰宵讀為素衣朱綃之綃綃綺屬也姆亦玄衣以綃為領釋特牲謂其繒曰宵染之以黑記有玄宵衣釋少牢曰被錫讀為髮髣古者或剔賤者刑者之髮以被婦人之紒為飾因名髮髣焉此周禮所謂次也不纁笄者大

夫妻亦衣綃衣而侈其袂耳侈者蓋半士妻之袂以盆之衣三尺三寸袼尺八寸玉藻士祿衣或作稅衣曾子譏子羔之襲稅衣纁衽則女次純衣纁衽者祿衣也昏禮之姆特牲禮之主婦皆纁笄宵衣則宵衣不以純矣少牢禮之主婦與贊者一人被錫衣侈袂則錫衣非宵衣矣玉藻曰王被袞士昏禮曰女從者畢袵玄纁笄被纁黼孟子曰被袵衣則被者服之也不特首飾而已鄭以被為首飾以少牢之被錫為髮髻以詩被之僮僮為

髮髻誤矣不特此也釋追師則以侈袂為侈祿衣之袂
釋少牢則以侈袂為侈宵衣之袂釋昏禮謂姆宵衣以
綃為領釋特牲謂主婦宵衣以綃為領禮文殘缺鄭氏
自惑學者據經可也禮有錫衰錫冪史有阿錫蓋錫布
之細者也少牢大夫朝服以布則其妻以錫不亦宜乎
若助祭之類則申上服內司服曰辨外內命婦之服鞠
衣展衣祿衣素沙凡祭祀賓客凡命婦共其衣服鄭氏
謂外命婦惟王祭祀賓客以禮佐后得服此上服自於

其家則降焉然則諸侯之卿大夫妻以禮佐夫人蓋亦視此

衿玄衣

黑 黼 黻

士昏禮女從者畢衿玄纁笄被黼黻在其後鄭氏曰衿同也黼黻也詩云素衣朱襮爾雅云黼領謂之襮考工記曰白與黑謂之黼天子諸侯后夫人狄衣卿大夫之妻刺黼以為領如今偃領矣士妻始嫁施禪黼於領上假盛飾也然論語曲禮皆曰衿絺綌孟子曰被衿衣則

袵設飾也說文曰聚縗也梟屬頽與聚縗通用則袵玄者設飾以玄也頽黼者頽梟為領而刺黼也從者畢袵玄女與姆之衣玄可知從者頽黼則女與姆之領不以梟可知袵玄而黼領此表衣耳與黼領之中衣異也士冠禮主人之兄弟與昏禮婦人從者均於畢袵玄鄭氏以袵為同曲禮曰袵絺綌鄭氏又以袵為禪是自戾也

景衣

白

聚衣

白

士昏禮女次純衣乘婦以几姆加景乃驅鄭氏曰景之制蓋如明衣加之以為行道禦塵令衣鮮明景亦明也然則乘車而加之以景猶衣景而加之以褰也景以禦塵褰以晦其文玉藻曰禪為絅則景蓋亦禪歟衣錦尚褰夫人始嫁之服庶人始嫁亦有服之者攝盛也

唐志景作

懔

副

編

次

追師掌王后之首服為副編次追衡筭為九嬪及外內
命婦之首服以待祭祀賓客詩曰副笄六珈左傳曰衡
紃紃禮記曰夫人副褱立于東房士昏禮女次純衣
鄭氏曰副之言覆所以覆首為之飾其遺象若今步搖
矣服之以從王祭祀編列髮為之其遺象若今假紒矣
服之以桑也次次第髮長短為之所謂髮髷服之以見
王王后之燕居亦纚笄而總王后惟祭服有衡垂于副

之兩旁當耳其下以紃垂瑱外內命婦衣鞠衣禮衣者服編衣祿衣者服次孔穎達曰王后衡笄皆玉為之惟祭服有衡垂于副之兩旁當耳其下以紃垂瑱若編次則無衡於笄言玼以玉飾之惟后有夫人有焉夫人六珈后之多寡無文漢之步搖以金為鳳下有邸前有笄綴五采玉以垂下行則動搖魏晉因之隋改為花樹之數唐加大花十二樹象玄冕十二旒司馬彪續漢志云步搖有黃山題貫白珠為桂枝相糾八雀九華赤能天鹿

笄獸翠羽為飾

副者翟之配以配褱翟則禮所謂副褱是也以配揄狄則詩所謂副笄六珈其之翟也是也祿衣之配禮所謂女次純衣是也然則編為鞠衣展衣之配可知矣禮男子冠婦人笄男子免婦人髻婦人之飾不過以髮與笄而已則副之覆首若步搖編之編髮若假紒次之次第其髮為髮髷云者蓋有所傳然也莊子曰禿而施髷詩曰鬢髮如雲不屑髷也左傳曰衛莊公髡已氏之妻髮

以為呂姜髻說文曰髮盆髮也蓋髻所以盆髮而鬢髮者不屑焉詩曰被之僮僮則被之者不特髮髻也少牢曰主婦被錫衣侈袂則被錫者非髮髻也鄭氏皆以為髮髻非是

纚笄

婦人首飾副也編也次也纚笄也觀士昏禮女次純衣姆纚笄宵衣特牲禮主婦纚笄宵衣則副編次之下纚笄其飾也楚語司馬子期欲以妾為內子訪之左史

倚相曰吾有妾而愿欲笄之其可乎蓋古之為妾者不
笄士姆纚笄亦攝盛也鄭氏曰王后之燕居亦纚笄總
而已此不可考

象栉

詩曰象之栉也又曰佩其象栉毛氏曰所以摘髮也劉
熙曰栉摘也孔穎達曰以象骨搔首因以為飾名之曰
栉蓋有事則因以為飾無事則佩之

禮書卷十八